

# Plivački miting "Mladi za mlade" na Olimpijskom bazenu Sarajevo

Udruženje "Mladi za mlade Sarajevo", u saradnji sa plivačkim klubom "Sport time" i suorganizaciji Olimpijskog bazena Sarajevo, drugi put u BiH organizuju Internacionalni plivački miting "Mladi za mlade", koji će se održati od 18. do 20. oktobra na Olimpijskom bazenu u Sarajevu.



Zahvaljujući kvalitetnom programu i uspješnoj realizaciji prošle godine, ovogodišnji meeting uvršten je u kalendar FINA-e i LEN-e i organizovat će se u saradnji sa Plivačkim savezom BiH i Olimpijskim komitetom BiH.

Ovo je jedinstvena manifestacija koja okuplja mlade ljude, sportskog zdravlja i takmičarskog duha, sa kojom se ujedanjuju sve nacije i šire prijateljstva, na kojoj se razmjenjuju iskustva i simpatije i stvara

pozitivna slika države sa kojom nastupamo u drugim državama.

Takmičenje će se realizovati u pet kategorija za muškarce i žene. O ispunjavanju pravila odlučivat će dvojica glavnih sudija (mentori) i osamnaest startnih i okretnih sudija, zatim stoperi, delegati i back up starteri. Takmičenje se održava po pravilima i monitoringom FINA-e, a u skladu s pravilima PSBiH i pravilima ovog takmičenja.

Kategorije plivača:

A kategorija: muški 00 - mlađi, žene 02 - mlađe

B kategorija: muški 98-99, žene 00-01

C kategorija: muški 97-96, žene 98-99

D kategorija: muški 94-95, žene 97-96

E kategorija: muški 93 - stariji, žene 95 - starije

Sve discipline se plivaju ujutro kao kvalifikacije, a popodne A i B finale. Medalje će biti dodijeljene ujutro, poslije svake završene discipline, za sve kategorije osim E, za koju će se dijeliti u popodnevnom dijelu takmičenja. Takmičar može nastupiti u neograničenom broju disciplina.

Organizatori mitinga potrudili su se da sve bude na zavidnom nivou, pa su tako pored medalja i pehara upriličili i novčane nagrade za tri prvoplasirana.

Novčane nagrade za ukupne pobjednike mitinga za mušku i žensku kategoriju (najvredniji rezultati po FINA tablicama) su: 1. mjesto - 600 eura, 2. mjesto - 300 eura i 3. mjesto - 200 eura.

Interesovanje klubova je veliko, a organizatori već imaju potvrđen i

dolazak velikih imena koji će ovom mitingu povećati rejting. Svoj dolazak najavio je legendarni trener plivanja Borut Petrić, glavni trener Juga iz Dubrovnika, kao i slovenske reprezentacije, koji će dovesti dvije slovenske reprezezentativke - Tanju Šmid i Špelu Bohinc. Pored njih svoj dolazak najavili su reprezentativci Kosova, potom plivački klubovi iz Hrvatske I Slovenije, te takmičari iz Škotske.

Za ugodan i kvalitetan smještaj učesnika pobrinuo se hotel Hollywood, u kojem će takmičarima, pored redovnih usluga, biti omogućeno pripremanje i zagrijavanje za takmičenje u hotelskom bazenu. Novčane nagrade takmičarima omogućila je kompanija MHS doo, dok je generalni sponzor mitinga : BH Telecom. Medijski pokrovitelji projekta su: Antena Sarajevo, Klix.ba i Sport Avaz. Podršku projektu pružili su: Ministarstvo civilnih poslova BiH, Ministarstvo kulture I sporta Kantona Sarajevo I Federacije BiH.

Ulaznice po cijeni od 2 KM bit će u prodaji na dan takmičenje u ulazu bazena, a novac od prodatih ulaznica ide udruženju "EDUS".

<http://www.klix.ba/sport/plivacki-miting-mladi-za-mlade-na-olimpijskom-bazenu-sarajevo/131001047>